

幼

科

鐵

鏡

幼科鏡卷之三

許池卓溪叟夏鼎禹鑄氏手著

受業弟邑庠鐸禹懸

邑庠之日孟然

男

郡庠之雲飛霖全叅

一闕諸驚之名之謬

治之當從本病辨風  
寒暑濕虛實痰熱

夏禹鑄曰小兒發驚而村婦庸夫多以鍼針於兒手挑筋破肉

噫異矣此喪心之村婦覓食之庸醫不知驚之為驚而誤認  
為筋骨之筋也蓋驚者驚嚇也由見先有內傷復來外感肺

瘖瘖迷心無所主一着驚而卽發也若不豁痰以療驚祛風  
以止掣只把手筋挑斷以免筋抽不猶之止兒之啼而惟塞  
其口耶况驚屬心筋屬肝若挑筋以治驚便與明紀上有云  
女婿牙疼灸岳母的脚後跟又何有異推前人所稱蛇絲馬  
蹄鯽魚烏鴉等驚名之意無非爲後之痴人立其名色告以  
病表使易識耳因兒舌吐出如蛇舌遂以蛇絲驚名兒手足  
撐踢如馬蹄遂以馬蹄驚名兒口動如魚吮水遂以鯽魚驚  
名兒身黑如烏鴉遂以烏鴉驚名如執此以治驚則當用雄  
黃以治蛇絲絆馬繩以治馬蹄香餌以治鯽魚穿楊箭以治

烏鴉方爲中病之藥然筋亦有時而抽者何蓋筋屬於肝血  
一行於筋氣以行血肝有賊邪則氣血與賊邪交戰而不行以  
致筋受風邪而抽掣耳故豁痰以療驚祛風以止掣乃莫破  
之理予妙法備傳較之玉官素府之仙方枯木回春之造化  
不相軒輊凡我同人萬不可以蛇絲諸詭名執爲正論垂之  
以殺有冤莫愬之嬰兒也

一闡明發驚之由兼詳治驚之法

夏禹鑄曰驚生于心痰生于脾風生于肝熱出于肺此一定之  
理也熱盛生風七盛生痰七盛生驚此賊邪逆尅必至之勢

療驚必先豁痰豁痰必先祛風祛風必先解熱而解熱又以何者爲先乎肺主皮毛皮毛爲賊邪入內之門戶彼風寒暑濕燥火六邪之來皮毛受之卽入犯乎肺七本出熱地也燥火暑邪一入則熱與熱依而熱盛風寒濕邪一入肺竅爲之閉塞則熱無所洩而熱亦盛若解熱必先祛邪前書上只云解熱並未說到祛邪今以祛邪之法詳之一用拿一用推一用燈火一用灸一用藥

驚癇死症辨

先君初明有目如兒體不近肥痰不甚盛不省人事張目視人

者在精感二穴對拿緊了不知痛竟無掙聲模樣惟咬齒搖  
顛此肺經已絕肺金也如鐘磬之類空則聲亮碎則聲無治  
之無益夏禹鑄曰鑄之爲症七屬有餘語云寧醫有餘不醫  
不足既曰有餘胡必有死我知之矣此乃肺氣先弱肺主皮  
毛淫邪一犯肺實受之是已弱又加弱也由肺犯肝由肝犯  
脾理應犯腎奈腎居虛位却無實地亦且水鄉風則可動而  
熱與燥火俱不得入其勢又難中阻只得又順傳入肺嗟七  
肺氣幾何而能堪此重囚耶到此地位須得聚窟中返魂樹  
西域內更生香麼乎可活

驚瀾活症辨

初明日如驚痰築甚盛昏七不省人事于不抽掣時把精感二  
穴對拿緊不咬齒不搖頭不直視人亦無掙聲的模樣將兒  
面向我以我兩手騎兒肩大指握前以第二兩指並狠七揉  
肺愈兩穴聲雖不出一掙一掙拾似那螺贏在窠中喚化螟  
蛉却不是開口叫類我類我有聲有音的樣子却是個緊閉  
着口掙不出疊七如貫珠有聲無音的樣子此乃肺被痰築  
如鐘聲中以物塞之卽重扣亦不響定是活症急灸肺俞穴  
各三壯只用天保采薇湯一不必用推若發驚拿醒便却人

事卽用後推法并燈火及藥

推法開天門二十四下

從眉心推上髮際

分陰陽九下

川兩大指從眉心分推至太陽

太陰此不論寒熱虛實皆用

如感寒在太陽上重揉發汗體弱感寒亦揉太陽發汗並揉太陰以留汗使發汗在皮裏膜外之間庶免汗失

亡陽更加虛弱之弊

女則揉太陰發汗揉太陽止汗

隨向天庭眉心山根準頭

人中承漿各指一下以代針法男在左手三關推上三十退六

瓣五六下以應之又將我兩手握兒在手掌向上于總筋八分

推六七下又在左手掌上運八卦從艮宮推往坎宮二三十迴

曲兒左手小指重揉外勞宮名曰黃蜂入洞三十下卽于五指



節逐一捻揉兩次在左腳委中穴往下捋三十下以上男  
推左手左脚卽用元宵火定之隨服天保采薇湯邪卽解驚卽  
退而燒熱卽除矣此祛邪之法也如症重燒極再加一劑從未  
有不效者燒熱退定在五更鼓以上法不論肺熱肺寒肝狂肝  
熱脾濕並用

辨驚有痰盛風盛熱盛

初明白痰盛發驚一驚卽死不省人事抽掣輕而燒熱盛此脾  
痰入肺亦用天保采薇湯內半夏倍加三四錢前胡倍加二  
錢蒼朮倍加一錢夏月加香茹

初明日風盛發驚雖驚死而精威二穴一拿即甦若手足抽掣  
不已一日一夜竟發數十次此肝風入筋亦用大保采薇湯  
內羌活柴胡各倍加一錢半夏倍加三錢如在夏月外加香  
茹一錢五分

初明日熱盛發驚其狀無異風痰只口多作渴此外邪入肺亦  
用天保采薇湯內乾葛桔梗倍加二錢除以上三症外有心  
經發驚之症舌必吐出其色紅燥此本臟有熱而發推法開  
天門分陰陽男在左手退下六腑女推上三關男女俱在左  
掌心連八卦推坎入艮掌中水底撈月引水上天河再用連

麩二錢黃連五分木通防風各一錢水煎服如在夏月加香  
茹

初明日驚症或驚死一二日或三四五六七日不甦卽甦亦不  
省人事或抽掣或不抽掣宜急于肺俞穴用艾灸三焦若一  
拿卽甦不必用灸只須元宵火天保采薇湯連服三四劑重  
加半夏四五錢從未有不活者如在夏月外加香茹一錢五  
初明日間亦有肺無痰塞拿之無聲者不搖頭張目亦是活症  
此由病久亂醫亂推亂拿無所不至哭喪肺氣以致無聲如  
此便知失聲之由切不可再推再拿用火用灸惟用天保聚

菘湯等分服之一劑便愈如在夏月外加香菇二錢

初明日又間有發驚昏七沉七條七直七而睡者雖不省人事亦能自己翻身手脚曲直自如竟至十日內外不醒却又死此症却與柔痊相似不必推惟用拿七精威大敦中廉并肩諸穴并揉五指節及肺俞穴以上諸穴各用燈火一燻用彌佗僧一字係二厘半研細醋製用半杯水酒灌下再服天保采菘湯倍加桔梗半夏卽甦如在夏月外加香菇二錢夏禹鑄曰以上驚症先君只說形狀不言色竅蓋因驚死之際面目唇舌俱非本色如云望色必清濁難分求其治法必亂

絲無緒北適南轅在所不免只得把形狀辨別方無有悞

辨熱瘧似驚風傷寒

夏禹鑄曰熱瘧之燒熱與傷寒無異最難辨別看時若無真傳  
慧眼以熱瘧作傷寒驚風治者十有其十卽問之普天下醫  
家能辨此者吾知其治無半個也予考先君效案中醫愈不  
下數千人看法載用仁悉治法亦覺平常然治之必效古所  
謂藥用當而通神者此也余遵先君辨法一見便知自信不  
啻雙鏡照胆一藥便愈無不駭曰奇症奇醫然而無奇也人  
惟辨之不真以故藥之不效今發辨瘧之秘傳我同人俾嬰

一見不若于熱瘧疾可告無罪于瘧醫

傷寒燒熱每日到晚不減一分不增一分始終毫不間斷只是平比而燒不抽不驚此乃傷寒之燒熱也驚風燒熱似乎傷寒而多一抽掣蓋由筋屬于肝比風動故抽筋肝風入脾七動痰故驚此乃驚風燒熱之辨也

熱瘧燒熱雖同而症實有別或食滾茶滾湯或大哭大叫頭面吐必有汗一有汗燒熱卽退二三分少頃又照原便是熱瘧此一辨也

自早至晚必有一時更甚或眼泛去或手足掣一掣出汗燒熱

卽退獨腹上不退少頃又燒每日皆然定是熱瘧此一辨也  
喉內必有痰一哭必嘔上卽痰出定是熱瘧若驚風之痰盤踞  
乎肺必不到胃何得吐出此一辨也

醫家具有靈心慧眼者不須辨此只須一眼一望而知面色非  
黃似黃非白似白精采似倦不倦面皮慘上而無潤澤毛孔  
爽上而不直樹兩眼瞧人却像個無病的光景熱瘧昭然此  
症多發于五六月七八九月之間用清脾飲四七無有不效發  
一二日者定要服五六劑發至五六日者只須三四劑亦有  
與作驚風傷寒治者或至十日二十日甚至一月不愈只須

一二劑切不可一劑不愈遂作別症見方而悞殺人性命  
也不知者難怪指鹿爲馬在予父子兩代治之屢匕不啻黑  
白分明今把金針遠度何難巧繡鴛鴦

又有熱瘧一日一發匕有定期其候不冷一來只發熱或自下  
午起至半夜汗出便解手心肚腹熱不盡解或不自下午發  
心不可拘亦用清脾飲四七以上熱瘧如小兒瘦怯者熱退或  
弱死去必要用六君子湯九以補脾

後例雜症余半出書傳惟于疑惑處辨之經驗者著之不效者  
劑之于書所未傳見症想出治法不過十之四五獨鴛類以



及熱痰膈風新法前所未傳推拿傳法亦吳子父子兩代于七十餘年中因症生悟由悟入神一見便知一藥便愈倘所謂前無古而後無今者非耶今出蘭亭真本慎勿視爲楓落吳江

凡亦用藥不過一二三味甚至八九味爲度獨驚癩症用至十九味何也只因尋邪逞勢各臟爲殃深入內地無不受害上而顛頂下而厥陰手足腹心到處波及是以攻堅削亂之兵不可缺一故王剪伐荆預知非六十萬衆不克正此之謂凡我幼科慎不可以天保采薇湯作八寸三分帽盡人可戴也

癇症

癇雖有七種歷治惟從陰陽二癇治之為驗一癇即死咬牙抽掣痰壅喉內不省人事在日發者為陽癇面色光澤病在六腑肌表如拿不寒必灸肺俞各穴三壯即用天保采薇湯等分各一錢連服二三次自愈

一癇初發身無燒熱手足青冷口紫驚啼吐舌搖頭是為陰癇面色黯晦或從痰涎病在五脏骨髓此最難治宜用固真湯

十加南星

一陽癇兼癇

夏禹鑄曰其症先有~~汗熱~~一痲而死拿之卽甦汗出稍定汗止  
又發此乃陽癰兼陽痲也癰是本病痲是標症急則治標先  
用天保采薇湯表散倍加半夏三錢連服二三劑再服清脾  
飲四七一二劑標本俱清卽愈

辨癰症

癰病皆因風濕而成濕乃本而風則標若面目赤色無汗惡寒  
牙關緊急一身強硬痰涎壅盛小便赤澀一發終日不甦先  
有諸語名曰剛癰乃風性剛急症屬于風是也治宜小續命  
湯五九去附子若四肢厥冷有汗不惡寒大便滑瀉不渴不

語名曰柔痊是濕性溫和症屬于濕也亦用小續命湯五九  
法麻黃

一症如痰壅氣盛加南星半夏白朮以清痰枳壳陳皮紫蘇以  
順氣內熱便秘用承氣湯三五以下之柔痊用附子理中湯  
五以溫之六君子湯九以補之如纏綿不已則難治也如病  
久而復手足抽掣如角弓反張此乃血枯不能養筋治用四  
物湯四十加附子防風羌活切不可作驚癇治恐悞則殞命  
矣

余外孫與內姪孫兼患熱瘧見之甚真老妻見服清脾飲

劑不愈曰世上百此瘧疾致是老眼昏花錯認了予曰能捫  
至四劑自愈果驗內姪孫亦以清脾飲方授持歸不服作別  
症醫病益甚又來強予往視予怒極老妻慰之行一到仍檢  
清脾飲二劑命服之予老友方桓綏訝曰有此奇症就有此  
奇醫俱隨命服六君子湯三劑以叻去路此熱瘧認症旣真  
不聽阻撓之一驗也

烏沙夾臣庠程灼公子九歲時得病請予往治羣醫在座抱  
兒出兩手捫被筋肉膿血淋漓瘳不忍見每日夜抽掣數十  
餘回壯熱不退予戲問曰如此一症諸位填門治胡不愈願

聞各用之藥有以竹瀝墜痰言者有以牛黃鎮驚丸言者有以天麻勾藤定驚言者有歸咎于排筋用火之爲害者予不禁掩口胡虛此症君輩不知也交口請以症示曰此陽瘧兼陽痢也如此治法症有萬千吾不知從何處說起中一人問曰先生認法得自何書予曰唐許胤宗有曰醫者意也思精則得之自我作祖何書之有衆皆默然用天保采薇湯各一錢五分半夏倍之共三兩許一服抽定燒熱減半隨用清脾飲一劑全愈與諸醫解座此挑筋無濟望色通神之一驗也鄰邑石埭沈蒼錫年五十餘僅妾出一子方二歲患病請救

於予卽拿精威二穴了不出聲通身燒熱面白雖慘寶色內  
存皮不輕浮光溜據面色不應無聲據無聲卻犯死症因問  
前可醫過否沈曰初起時蒙鄰嫗挑筋兩次又別請拿推數  
次昨有人將桃柳柔枝遍身推括晚便無聲矣予揣病久肺  
氣已虛屢致慘哭氣喪七氣以致無聲惟照色用劑以天保  
采薇湯外加冬花一錢薄暮煎服夜半熱退此熱瘧兼癘望  
色審聲之一驗也

徐聖緒子患驚癇不省人事約五六日緣乃伯措大伯孚曾  
與子同硯席邀治精威二穴拿之無聲卽向肺愈重揉聲難

不出却有鼻上貫珠掙不出來模樣灸肺喻各三壯用天保  
采薇湯倍加半夏單向大方脉素與余友善徐仲石處檢藥  
對聖緒云在禹鑄人信砒霜俱用得然好也是這一服不好  
也是這一服予臨別云服此一劑雞鳴便退燒熱果如期熱  
退二服全愈此陽癰已死揉肺俞探肺竅之一驗也

庠友張孔邇塔邑庠王紹宗年可二十餘歲一時癘死不省  
人事約半月餘他醫純用速苓之劑毫不見瘳邇予看治予  
以症屬大方脉固辭孔邇力迫之行一見顏色便知痰患拿  
精成二穴不應于老龍穴一指直視予予有哄也若獲裏首



用半夏四錢桔梗二錢枳殼防風甘草各一錢一劑稍甦五劑全愈足見肺雖無聲非金碎何不可藥此中痰望形審痰大小皆同之一驗也

竹塘陳諱春者一子十一歲患病十餘日不知人事初人見其不醒以爲驚死于鞋帶穴人中掐咬破爛不堪請予往治見其唇口晦色如醬不抽不掣不渴肢冷如冰治用燈火十五元背隨服小續命湯去麻黃一劑卽甦此望色審察而知爲柔瘥之一驗也

慢症悟宗

入動曰慢者字獨曰慢症蓋此症多成于大病之後或庸醫  
見病命遂不防守去路或初慢汗慢下吐瀉久而脾胃虛極  
故成慢症慢字緩字雖對急字而言然所以成此症者皆由  
父母急慢之故或有汗出不止者聽之吐瀉不止者聽之以  
致汗久亡陽吐久亡胃瀉久絕脾成難起之疾故曰慢症慢  
症何驚之有以慢症而云驚皆庸醫見兒眼翻手掣握拳形  
狀似驚故以驚名之一作驚治或推或拿或火是猶見已下  
井而復落以石也慢症者脾虛也眼皮屬脾七敗故眼皮不  
能緊合而睡則露睛虛極則脾失元氣故兩目無神而多漂

泥脾敗則枯澀無統故凝滯咽喉而有牽弱之聲手足脾胃  
所司脾胃敗故四肢厥冷虛慢必生寒七則大便瀉青而小  
便清利便知爲慢脾之症若療驚則無驚可療祛風則無風  
可祛除痰則無痰可除解熱則無熱可解惟脾間枯爽虛熱  
往來耳治宜固真湯①加天麻勾藤或六君子湯②加炮姜  
或理中湯③加附子

凡見一到慢症十僅能醫六七蓋症至此肺心脾三臟俱虛胃  
氣大腸兩腑俱敗若虛而不絕雖久能生如胃氣將盡萬不  
可活卽強藥之亦活泛一二日究非真活也然非假活不足

以見藥力之妙予見之甚衆如慨然領手者其症必生踟躕  
固謝者縱藥亦死此無他惟于面上看賢色冒喘探消息生  
死便燎然在目矣

余幼女于壬寅冬值先君辭世之會痲症有失經理冷瀉成  
慢幼甥同症熱瀉成慢妹婿聞遠波僧精于此道呼治之日  
索藥價九如菜豆大每丸銀三錢屢服症加重予女眼閉不  
開約十餘日間乳母幸吮乳不輟面上寶色猶存予用固真  
湯加附子五分服三劑服一開頃又閉揣之藥力未及連服  
十劑愈甥漫雖同寒熱迥別知不可治妹婿填真子有親疎之

別藥客參附與子味反目遠波僧見子甥光景強健如故滿  
口許其必生子作色辨曰爾以健壯爲生耶獨不思熱則氣  
壯况熱瀉明知肺熱用參反傷乎肺不用則慢無治法將謂  
清肺再用參一清則脾氣卽絕清不得補不得何生之有遠  
波熱然趨去越三日死此慢症雖同寒熱迥異不可不察之  
驗也熱慢不多見亦學者之所宜知

幼科鏡鏡卷之四

貴池卓溪夏夏鼎禹鑄氏手著

受業弟邑庠鐸禹懸

邑庠之日孟然

男

郡庠之雲飛霖仝泰

痲症

夏禹鑄曰痲出於臟痲出於腑痲乃大腸主之毒氣蒸肺故發  
咳噉先輩書未嘗齒及痲症蓋以其輕而忽之也卻不知表  
症雖輕毒侵肺腑亦多與鬼為鄰予經歷甚眾費手居多因

不惜筆力詳著于篇以杜嬰見痲症之患流行痲症其候燒  
熱必發咳嗽聲必稍啞面皮微有腫樣兩腮顏色微紅此吉  
兆也如<sup>田</sup>發不快及不透發或紅點見面偶挾風邪而隱或  
醫人不知誤除燒熱隱而不見腹內作痛治之神莫神於天  
保采薇湯聖莫聖於天保采薇湯只須一服即發出或有不  
盡發者再加一服從末有不效者如肺臟先虛又加大腸毒  
氣攻肺而皮像澆薄的式子慘白浮上光上潤上便是肺氣  
已絕在精威二穴對拿其聲不出必是死症藥之無濟

有痲方見點隨即收入或瀉青水審非風寒爲害唇色慘白

氣微也此乃內虛不能送毒不可分利止瀉惟用八珍湯六  
九以托之外用葱半斤許白酒煎遍身擦之如再不透發六  
額上稍見些微惟用六君子湯九循上調治自愈

有麻初發熱時心火盛極刑地肺金致麻不出必先用童連本  
通等分服之再用防風荆芥葛根升麻南星枳殼赤芍桑皮  
柴胡桔梗甘草煎服之即發

有痢疾兼麻症若麻見點急用香茹桔梗只壳黃連厚朴木通  
升麻赤芍車前煎服麻瘡透發而治痢疾此乘輕從重之說  
不可不知



木邑陶一公渾玉之子麻症發熱方兩日醫人悞爲除熱麻  
伏不出形狀似驚差役請子治面色花雜喘急不嗽必有內  
毒下太陽穴以口涎擦之皮內隱有紅點知是麻毒內攻無  
燒不出用天保采薇湯倍加升麻乾葛一服額上見點色不  
紅起面色唇口慘淡無澤知爲內虛卽用固真湯一服通身  
發熱陶公驚怖子曰麻非帶熱不出仍服天保采薇湯一劑  
通體透發愈此見面色花雜便知內毒之一驗也

培經樓同學庠友方恒綬一子麻症隱而不出形症甚凶邀  
子治見其面色慘白口氣微冷唇舌淡白大便泄瀉卽用人

珍湯一服額稍見點恒緩因姪前疥症殞于泄瀉力迫止瀉  
子曰分利更虛不允見口吻間覺以瀉閉性命勉強用五苓  
散果止而額上紅點卽隱又用十全大補湯內托外用菝酒  
蒸引卒不透發于脰事往郡躡後札示皮上每發一泡破卽  
成黑窟附他醫攻毒方單子札復曰肌肉脾屬破卽成窟乃  
脾虛之極何可攻毒惟用六君子湯顧脾爲主果效此望色  
審數萬無一失分利虛脾卽此可見之一驗也

思誠堂同學友措大方薪衍第五郎患痲症初醫者不知痲  
侯用六一散以除燒熱邀予過治見其舌純紫兩唇燥裂大

小二便皆秘聲嘶不已卽用黃連八分木通黃柏各一錢服  
下大便刮白如冷痢然在座者口吻覺爲涼劑所致予亦踴  
附滿志豈臟腑苗竅此症獨不相符毫不首鼠問前醫退熱  
所用何劑新衍曰六一散予便恍覺下元爲六一寒冷所滯  
致火不降灼無疑矣隨以炒鹽久熨臍下仍用前味黃連倍  
加服之方下大便燥結異蒸爽無異可見苗竅辨真治定不  
爽之一驗也

一辨傷寒

附寒極似熱

小兒之十指俱冷以三指按額俱熱身壯熱面赤而淡不動不

掣此傷寒之症也表散法開天門分陰陽推三開體厚則大發其汗揉太陽并外勞官運八卦推良入坎症<sub>一</sub>之目愈重則用元宵火定之體弱隨發汗隨止女反是治用芎蘇飲

〔六十〕服之

有寒極似熱者面色紅如水紅桃花口滑而唇不乾燥舌不紅紫大便青色小便清長此寒極也似熱者因面有紅色口有渴形故也治之與前法同

如口作渴大便秘小便赤是內有熱而外傷寒也宜先表外而後清裏爲主表用芎蘇飲〔六十〕裏用白茯苓半夏陳皮連翹木

通枳壳甘草煎服

本郡田三公祖之公孫方二歲抱風寒燒熱症郡醫見燒有驚悸便作驚症治數日不愈予以三指按額俱熱兒十指俱冷用芎蘇飲一劑留飲席未解內小童報曰小相公熱退矣此燒有表裏不可不辨之一驗也

予於癸丑科會試盛京有鑾儀衛正堂許公乃孫方歲半患傷寒症初延太醫院幼科失表後于朝房內予同里員外郎陳是菴道及于予即日來貴池館親邀往治但見身冷如水痕毛差七面色慘晦不知人事知寒邪內伏用大保采薇

湯一劑囑曰夜發熱則明日來治不則莫可如何矣夜果發熱仍用前湯一劑熱又解許曰發熱退熱藥同效異真出奇也子曰尋常症在表感一劑便解如令公孫邪被藥悞伏內咋一劑攻邪七到肌表化現邪自是作熱仍以原方加追一劑表解熱除無甚奇也許曰前是菴倫道年翁乃幼科自肩今若此洵名下無虛矣以百金壽子辭曰晚兩代治救嬰兒從不受謝一文再四面壁更欲

延請入太醫院又辭曰老母在堂晚在 都門白雲頻望承盛意心領之可矣許乃止此閉門殺賊之一徵也

方伯張存儒初生有公郎抱驚風患初郡中醫作來食用消導劑症加甚後子用半夏四錢生薑一錢防風二錢一服卽愈遂拜子爲假父此藥用當而通神之一驗也

子邑張中尊媛患病邑中醫曾治十餘日不愈會余到邑中尊得聞接余治婢方抱出離座五六步外望見面上光上浮上毫無寶色余曰不須抱近請回中尊問症若何余曰肺氣已絕不可治矣明日果死此望色而知爲死症之驗也

一辨夾食傷寒

小兒十指俱熱我按兒額三指俱冷其候身熱或吐或瀉或不

吐瀉口必惡食腹必浮脹指如鼓聲或作痛是也推法開天  
門分陰陽男女同男重揉太陽發汗體弱揉太陰止之女反  
是推上三關三十退腑六七下運八卦重揉艮官于大指面  
旋推補脾曲兒小指重揉外勞于第二指大腸位側推到虎  
口以止瀉不瀉不推重按中指一節以止吐不吐不掐于  
左胸湧泉穴左轉揉之止瀉不瀉不揉少頃右轉揉之止吐  
不吐不揉女則右轉右揉止瀉左轉左揉止吐推畢即用燈  
火臍輪四焦胸口一焦用水酒麩一枚火煨黃色研末白湯  
送下卽愈重則用消導二陳湯十九加柴胡紫蘇等味煎服



珩山孝廉方韻皇乃孫發吐燒熱微掣吐輕熱重余子壻方  
平培初業斯道投天保采薇湯一劑不效邀予一見知爲內  
傷飲食外挾風邪用藿香正氣散一服卽愈余以湯名曰天  
保采薇取其治外治內之意用之不當雖多奚爲在子壻以  
爲症屬內傷外感湯屬內外並治渠見不爲非是然不知症  
似社鼠城狐重鎮何可輕發此學者之所宜知而宜慎也

一辨腹痛

腹痛臍以上屬火臍以下屬寒其因不一有寒痛熱痛傷食痛  
積滯痛氣不和而痛脾虛而痛肝木乘脾而痛蛔動而痛數

種寒痛則面白口氣冷大便青色小便清利痛之來也遲緩而不速疾綿乚不已痛時以熱手按之其痛稍止肚皮冰冷是也推法曲兒小指重揉外勞宮推上三關揉臍五十藥用干姜肉桂等分煎無如木香磨水入服之自愈

熱疳則面赤口氣熱口渴唇紅大便秘小便赤時痛時止痛來迅厲腹形如常不腫不飽彈之不响以熱手按之其痛愈甚肚皮滾熱此真熱也推用下六腑水底撈月蓋熱痛主心脾兩熱用燈心車前伏龍肝加木香磨水稍許入服

傷食痛者必惡食眼胞必浮腫或瀉下酸臭腹必飽脹彈如鼓

聲或身作熱是也如氣不旺者不宜取瀉只用消導二陳湯

十九

積滯痛者今日傷明日傷逐日傷之而滯于脾胃間不以飲食  
碍其傷不痛既有滯而傷以乳食傷碍故痛也面色黃噯氣  
酸大便酸臭便後痛減足冷嗜臥不思飲食是也治宜枳壳  
兵榔木香下之下後卽以小異攻散下六補之

氣不和而痛者兒下地後或地多濕兒臍受風以褻肚束臍過  
緊不知兒體漸長束帶未鬆則上氣不通下氣以故內氣不  
和故作痛也審其非寒非熱問其母而臍果有束縛之態

氣不和之痛必矣治以木香磨水服之隨用燈火臍輪  
臍下氣海一熇心口窩一熇其痛卽止大兒之氣不和者其  
候眼胞不腫面色不黃飲食如故腹臆擊如鼓聲搖其頭而  
噯氣是也宜用木香陳皮枳壳甘草服之

脾虛痛者其候面無血氣微黃帶微白大便少而色白治以補  
脾開胃爲主用六君子湯凡加橘皮

肝木乘脾痛者肝木尅脾土虛不勝其尅則肝氣無所洩故乘  
脾之衰而作痛也其候唇白口中色淡面多青色痛則腹連  
兩脇重按其腹則痛止起手又痛是也治用四君子湯三十一

加柴胡白芍

蛔痛者腰曲撲身口流青涎痛久不歇少頃又痛或一時或二時而止或歇半日又痛而黃唇白此蛔痛也治用史君子去殼火煨吃十餘粒少頃又吃卽止以上嬰兒腹痛口不能言何以知之蓋兒痛必哭無故而哭者痛也哭聲雄慘而雙眉蹙皺是也如使君子食之不止不妙於苦練子樹根皮約一二兩許水煎一茶鐘吃下虫卽盡出但體弱者不可輕用又有一種奇痛一痛只大叫幾聲痛七七卽抱胸暈死予家一婢犯此症先君在日子見將婢面撲地用冷水一盆以婢

糜着水上于委中穴澆水狠拍粗筋腫起用銀針傍筋打一  
二針上出血流斗一聲痛卽避隨用冷水滾水各半連吃一  
二碗立愈記先君曰此急沙也與轉筋火差似如平常腹痛  
從未有一痛而卽死者急沙之辨緊記在此

夏禹鑄曰嘗觀內經有曰胃虛則吐胃熱則嘔此說殊屬大  
謬何也余屢上見吐上固有虛常亦有熱嘔固是熱卻亦有  
寒此予匪非議前人益見之多而治之效也二症各有虛熱  
不可拘執惟望面色唇舌之間紅則熱而淡則虛斷無有悞  
至干泄瀉出少而緩曰泄出多而勢急曰瀉泄則症輕瀉則

重比以所瀉之色驗之治無不效

一吐

胃虛發吐其候面白神疲不熱不渴口氣溫而帶微冷額前

微汗治宜助胃膏二十二

胃熱發吐而赤唇紅煩渴溺赤口氣蒸手宜用熟石膏七分八

分研細末神茶送下

胃氣不和發吐其候惡食此由積滯在胃復為傷食掃見之頭

便噎氣治用火酒曲一枚火煨黃色研細白湯調下用枳壳

木香陳皮半夏香附服之

有盛夏外感暑氣吐者宜六和湯二土

有霍亂而吐者吐不出者手足厥冷臍腹之上絞痛名曰轉筋  
火治用滾水一碗冷水一碗相和飲下即愈

有內傷飲食外感風邪而吐者身熱服燒腹倦治用藿香正氣  
散七土

有傷風嗽吐者治用清金飲五八

一瀉

夏時鑄曰吐從面色辨之不爽瀉更宜辨所瀉之色暴傾下苑  
屬火水液澄清屬寒老黃色屬心肺脾質熱宜清淡黃色屬



虛熱宜補青色屬寒宜溫淡白色屬脾虛宜補黃色屬濕氣  
宜蒼木燥濕酸臭屬傷食宜消二陳湯十九

解虛作瀉七下白色或穀食不化或水液澄清其候面神疲唇  
口慘淡舌白口氣溫冷治宜理中湯五加附子或六君子湯

九

脾熱作瀉七時暴注下迫便黃瀉赤口氣蒸手煩渴少食治宜  
五苓散十八加山梔仁

有氣虛下陷瀉者宜補中益氣湯其候與脾虛差同

有傷食兼滯瀉者其候噎酸氣吞酸服滿一痛則瀉一瀉痛減

治宜用大腹皮神曲麥芽山查白朮木香檳榔如食已消痛  
已止而瀉不止者乃脾失清升之氣宜補中益氣湯三七若  
食消而腹猶痛乃脾痛也宜小異攻散十六

有肝瀉者瀉青稠粘乃肝木乘脾治宜麥冬桔梗白朮白茯苓  
參木香酸棗仁甘草

先瀉數日已止又瀉隨發傷此症多不可治蓋瀉而又瀉脾敗  
之極加之外邪由肺剋肝上有動風尅脾上敗將死不受肝  
尅故肝風烈極毫無泄處如祛風解熱元氣將盡將謂療驚  
不能救脾將謂救脾驚不能止無法可治

一吐瀉

夏禹錫曰內經有曰胃虛則吐脾虛作瀉脾胃俱虛吐瀉兼作  
此言極謬若先泄後吐面白神疲不熱不渴額有微汗乃脾  
一胃虛寒也宜理中湯五或小異攻散十六或六君子湯九若  
一先吐後瀉面赤唇燥煩渴渴赤乃脾胃有熱也治宜五苓散  
一干八加竹茹煎服又有積滯在脾不能運化水谷而吐瀉者  
宜用消導二陳湯十九

有長夏夾暑吐瀉者宜用六和湯二十

余髫年硯席友陳公載嫂患吐瀉適余抱風寒因延大方脉

用溫胃劑吐益甚帶疾往視日唇紅灑氣出然手足色紅紫  
用熟石膏一錢研碎神茶一碗送下稍止隨加一服立愈在  
大人苗數尚驗况嬰兒乎後又患吐色竅俱同仍用石膏卻  
不甚應搗之下元或有寒氣用炒鹽熨腹仍服石膏即愈可  
見苗竅顏色從不一悞

余于歲癸丑北上到會館湊陳是菴幼郎脾瀉將慢付予治  
問曰曾服參否是菴曰如服一分便爬了上壁予心以爲南  
北或亦有異轉思初到

都門恐孟浪來謂以六君子湯去人參連服二劑了無一效辭

接別醫良久一醫擁輿至節去後予請所發劑視之劑屬消  
導因問彼何人斯是菴曰此名震

京都之鄭小兒科也予曰久瀉將慢尚可再用消導之藥用之  
命不可知矣乃止子便不以是菴之言爲正硬用六君子湯  
倍加人參且外加附子五分兩服卽愈是菴歎曰素聞妙手  
今果然矣此辨色審竅勿以人言爲信之一驗也

一辨痢疾

夏禹鑄曰丹溪云痢無止法以通利爲主此言亦不盡然何也  
痢疾有寒有熱白者虛寒也紅者實熱也治宜調脾爲主若

梁一二日間身壯熱膿血稠粘裏急後重腹痛者宜用承氣湯(三五)以下之或用木香枳榔丸(二六)若虛怯者不可下痢久身涼自汗宜用補中益氣湯(二七)挾熱而痢純血宜用四順清涼飲(二八)或黃連芍藥湯(十七)挾冷而痢純白或乳食不消者宜用理中湯(五)有濕熱之毒熏蒸清道上致胃口閉塞而爲噤口者宜用人參黃連石蓮子有痢久胃氣虛則不能乳食而爲噤口者宜用理中湯(五)或六君子湯(九)有積毒之氣上冲而嘔惡者宜用人參敗毒湯(二九)有胃氣虛寒而嘔惡者宜用附子理中湯(五)有痢後脾虛不能制水而徧身

浮腫者宜用六君子湯九外加蒼朮厚朴猪苓澤瀉黃連芍藥有痢久脫肛者經曰肺氣虛寒由脾虛而金無所養故大腸虛脫而下陷也宜補脾溫胃用固腸飲六五有積盡而痢久不愈乃脾氣下陷宜用補中益氣湯二七或四君子湯三十一若初起宜用姜茶散三十一有夾暑熱而痢下赤白相兼者用清暑益氣湯六八加香菇飲五五

子長男之日五歲時與幼甥同患痢疾男素脾弱痢起腹並不痛痢下純膿白色中帶藍色口氣微冷不用通利卽以六君子湯服之甥痢純紅福身有風疹用四順清涼飲加防風

柴胡兩藥各器同爐煎如家悞以男藥與甥服之風疹卽隱  
氣喘促唾射予急以大保采薇湯與服疹復出喘止仍用前  
湯數劑愈此可見脾虛之極不必清利硬用補劑熱痢宜清  
不可用補之一驗也

一辨瘧疾

瘧疾皆由冒感風寒暑濕而發丹溪有曰若無汗要有汗以散  
邪爲主若有汗要止汗以扶正氣爲先此千古不磨之至論  
也發時有一寒一熱身重骨節疼痛自汗多嘔者濕瘧也由  
汗出脫衣衝冒風寒或渴極過飲冷水或冷水浴身所致有



食滯者食所傷由飲食過度傷寒所致俱用柴胡前胡青皮  
陳皮蒼朮白朮白茯苓甘草猪苓澤瀉知母貝母厚朴半夏黃  
柏等分姜棗引服一劑以清之于發瘧日之五鼓空心以前  
方加恒山檳榔草菓仁等分煎服以截之卽愈如久瘧不止  
致中氣弱極名曰脾寒用四獸飲三二加棗姜服五六劑自  
愈

夏禹鑄曰有陰虛似瘧竟作瘧治者這般人卻沒有一毫心思  
一纔想頭夫謂之曰似則兩症相去原是星淵卽曰似瘧亦  
祇似其瘧之脾寒試問普天下人可有瘧一起而就成脾寒

者是必始于清之無法繼又截之無方或從不服藥相延且久纔到脾寒之症明有這一條來路若一見每日不午身有潮熱飡狀颯七便作瘧治獨不想到瘧有來路况脾瘵由重減輕陰虛由輕加重兩症判然竟不知別此一種心竅試取黑漆皮燈籠與之相况當耶不

陰虛似瘵如潮熱稍重于作寒治用四物湯四十加入參如心肺肝有熱雖湯內已有熟地再外加生地如作寒稍重于用熱四物湯外加黃芪人參甘草等分參減半如潮熱作寒俱輕只用四物湯不須外加如女忠此加紅花二三分

幼科鐵鏡卷之五

貴池直溪夏鼎禹鑄氏手著

受業弟邑庠鐸禹懸

邑庠之日孟然

男

郡庠之雲飛霖仝叅

一辨咳嗽

夏禹鑄曰前書只說風寒暑濕燥火六淫之邪氣侵肺皆令人嗽又曰五臟六腑皆有嗽非獨在肺此僅言咳嗽之大綱卒未透發六淫侵肺之顏色與臟腑俱嗽之分別予憶其故必

從大方脉書上採來惟照脉論症故不說到六淫侵肺的顏色亦未分疏臟腑致嗽的根由卽言一二形症俱屬模糊子把六淫侵肺臟腑皆嗽這八個字上一一體出形色歷藥不爽若風寒濕三邪侵肺其候面白而畏風燒熱而無汗或頭疼或鼻流清涕唇色晦闇痰涎白色或滑而易出小便清長便知爲風寒與濕氣所侵宜用疏風順氣湯七一或清肺飲七二去白朮加防風便愈

火侵肺嗽與火炎無制相同方見後若燥侵肺嗽其候頭面汗出寒熱往來皮膚乾燥皮疥搔癢大便閉結痰涎膠粘治宜

潤肺清金之劑用麥冬貝母冬花黃芩防風麻仁甘艸赤芍  
陳皮暑氣侵肺而嗽其候口渴唇淡治宜香茹厚朴扁豆加  
冬花麥冬至於六肺皆嗽之說殊屬大概子着實窮究六淫  
之外嗽又有五一頤傳一逆尅一反侮一隔經傳染一水火  
不相交濟

頤傳之嗽在脾土不能生子金無土養故嗽漢武帝金鐘自鳴  
東方朔曰土其母也母喪則子鳴山必有崩者久之蜀郡有  
奏山崩以此悟之脾虛肺嗽乃一定之理其候唇口慘白氣  
弱神疲小便清短大便或溏瀉淡淡白色便知脾嗽治用六

君子湯自愈丸

逆尅之嗽在心心火盛則金被火傷而嗽試觀冶人煉金火烈而金躍息火則金安嘗閱徐無猜地理闡宗書有曰如金星結穴火星作朝此外火尅內不爲吉穴須兩旁有水星山現則制火以救金始爲吉因此悟火尅金沸亦一定之理其候舌紅唇燥小便赤澁口氣蒸手便知心火尅金法惟瀉心用貝母陳皮甘艸黃連木通杏仁麥冬五味等分燈心引煎服三四劑自愈

病尅之嗽在肝上有制伏肝始不旺如肺弱木強侮金則肺乃

一被侮而嗽星士家書云我尅者為妻財乃知肝猶肺之妻也  
一彼河東獅吼必因夫主柔弱便恃強侮夫肝侮肺嗽又一定  
之理其候目勇口苦宜用白芍柴胡冬花五味枳椇半夏甘  
艸等分煎服五劑自愈

水火不相交濟之嗽由腎水不能上升則火炎無制乃上刑肺  
金而嗽猶之易之未濟離火居上坎水居下水不得火而無  
一功火不得水而功亦無所施水火不相交故不各得其用若  
既濟則為有用矣况五行惟火最烈故昔有慾火無制口中  
吐出衄廟俱焚者由此觀之豈止嗽耶其症溺墜帶血甚至

血溢治用滋陰降火湯四五二三劑自愈屢治屢效案難悉載

一隔經傳染之嗽在胃上有熱因染乎肺而嗽肺胃各經順傳不到逆尅不及又不相侮胡為亦嗽乃由胃肺逼隣胃司食入肺司氣出入雖不同途卻共呼吸門戶胃熱熏蒸波及肺竅所謂失火殃魚亡猿災木者是也其候唇紅口紅作渴氣出大熱治用石膏冬花麻仁五味甘艸

以上諸嗽如喘加麥冬天冬如咳有聲無痰加杏仁防風有聲有痰加半夏枳椇



余于本經咳嗽外復將此五種旁引曲愈無非爲嗽雖出自肺家而卻有隔經之嗽理實難明故不惜多方以譬明耳幸毋以卮言罪我

江平世業醫道地距四十餘里一孫咳嗽自藥不應以形色一札白之子併來藥單乃瀉肺之味據曰面舌唇口皆紅小便赤色予札復示以瀉心之劑後開三劑愈此心火刑金瀉心救肺之一驗也

一痘後痘有專科痘中症候不載惟于痘後至緊要症附傳數方

一泄瀉唇口淡白瘡靨平白小便清宜用六君子湯九

一痘瘡屬平白宜用保元湯十一

一痘屬不落七過者亦平白宜用八珍湯六九

一痘中眼内生翳子宜用兔糞焙之爲末每服三四錢白水送下服至升餘卽散

一痘後瘡爛或紅腫紫腫黑腫急宜解毒用生地連翹歸尾甘艸赤芍等服三四劑毒自解

郡城孝廉危東原兩媛痘後一愆期不收一收後痘屬平白俱有微熱邀予過治見唇口慘白氣出微微并用十全大補湯服二劑熱除屬脫俱轉紅潤隨以保元湯十一調服之愈

此望色審脈知血氣兩虛之一驗也

一辨諸血

肺朝百脈之氣肝統諸經之血蓋榮血者水穀之精氣也脾胃有傷榮衛虛弱故血失常道而妄行若氣虛氣弱神瘦唇有血色者治法宜用四君子湯三十

血虛者精神照原唇舌無色治用四物湯四十加參朮糞前見血爲逆血用黃連解毒湯十七糞後見血爲遠血用清胃湯

四二久不止者用補中益氣湯二七加胡黃連

吐血者胃中積熱宜麥門冬飲四一或清胃湯四二

衄血者脾熱傳肺而肺不能統血從鼻出宜六君子湯九加桔梗當歸梔仁黃芩

咯血者腎虛也咯如牝雞喚乳雞聲嬰兒無此症

有咳嗽而吐血者庸醫多以童子癆治之悞矣此乃腎水心火不相升降火炎無制治宜滋陰降火湯四五

夏禹鑄曰諸般失血有面色可審俱屬尋常惟血脫嗽血二種症不多見附錄效案以憑較證子友陳公載姪女七歲血吐數升身冷如水通身筋現青色平常撲跌處青更甚唇口慘白口氣微冷此乃氣虛血脫初大方脈作肺熱迫血妄行

用梔仁黃芩等味吐愈甚此固照理用劑卻不知看色之妙  
後予用人參黃芪肉桂麥冬甘艸白茯苓劑而愈此氣虛脫  
血望形審脈之一驗也咳嗽帶血方見咳嗽類用滋陰降火  
湯四五屢用屢效症無疑二故不附案

一辨中暑中熱

夏禹鑄曰前輩云動而得之爲中熱靜而得之爲中暑此言甚  
是然中暑與中熱病形無異中暑作渴中熱亦作渴中熱說  
詭話中暑亦說詭話若不細審形色雖得動靜二字究何益  
也如探中暑說詭話乃低聲平正而說中熱發狂雄壯而說

此猶恐不得其真只于口中一看舌色慘白唇無血色口氣微弱而冷便是中暑宜用清暑益氣湯六八立愈若唇舌皆紅氣出如焚小便赤澁定是心經中熱宜用木通薄荷煎熟再以犀角磨水一杯羚羊角磨水半杯入煎藥和服卽解

巳亥歲子從伯一孫方四歲患病初伯與先君交惡已久伯母呼子往治舉至阻撓且畏之曰彼孫一死禍來匪輕子曰具有兩眼不煩過慮視之口氣微微面色慘極唇舌白淡口道誕話知爲中暑用清暑益氣湯一服愈

穿山郡庠方紹文僅一子乃子壻十七歲抱疾以子只知幼

科延兩方脈共治彼見口說詭話便作熱治用盡犀角翹連  
本膏涼劑疾益加甚急問于予予往見直臥如尸口氣冰冷  
唇舌皆白乃中暑之症悞作中熱大可怪也用清暑益氣湯  
一服立愈此大方脈切脈不如小兒科望色辨寢爲妙之一  
證也

一辨夜啼

夜啼有六一面深紅多淚無燈則啼稍息見燈則啼愈甚此心  
熱也遇火兩陽相搏故見燈而啼甚也其候手腹必熱小便  
赤推用木底撈月引水上天河退下六腑及運八卦推坎入

良藥用導赤散三加梔仁薄荷天麻

一哭多睡少天明則已面色青白便亦清白治宜溫下焦用備

急方七四

一為異物所侵目有所視口不能言但眼中驚悸抱母大哭面色紫黑治宜陳皮生姜茯苓遠志甘艸服此仍啼當審其果不犯諸夜啼等症可將雜色紙作一異物狀令見一視即對見以火焚之兒疑頓釋自不啼矣

一有脾胃兩虛吐瀉少食而啼者治宜用六君子湯九加炮姜木香



一有心血不足而啼者其候睡濃忽悖舌色淡白而色不重宜

用安神湯四八

一有臍寒腸痛而啼者以手按其腹卽不啼起手又啼此候而  
必青手必冷口不吮乳治用當歸白芍人參甘草桔梗橘皮  
等分服之外此而啼者必非病也或夜醒時為戲燈所慣無  
燈而啼者有之或乳母缺乳而啼者有之

一辨疳疾

疳者乾而瘦也此由寒熱失理飲食不節或因吐久瀉久痢久  
瘧久熱久汗久咳久瘡久以致脾胃虧損亡久津液而成也

心疳者面黃頰赤小便赤滿口舌生瘡煩渴治宜寧心九五十  
肝疳者肌肉消瘦目胞赤腫翳生泪多白膜遮睛傷多青色治  
用肝疳九五一  
脾疳黃瘦腹大或吐土吃米吃茶宜調脾湯十三

肺疳潮熱喘嗽鼻爛流涕宜先用清肺湯七二次用化愚九三五  
疳腫者乃由疳久脾衰不能制水故頭面四肢發腫脹甚者禡

子丸五三大瑞者不治

丁笑腹大項細哺露翻食吐蛔宜蘆薈九十五

一赤遊丹火

此候田內有積熱重蒸外被風熱所感搏於血氣皮膚赤腫色如火灼或注頭上或發肢體卻非輕症入腹入腎亦能殺人宜速治之用升麻黃芩連翹各一錢大黃朴硝各二錢全煎服四五劑自愈

余同袍胡道生乃孫頭患丹火接余治用前方服二劑不退又以价來請余以札復曰此症非輕非一二服可愈宜重用各味五六劑允然見效後如數服愈前歲余宗人有一女患此症余囑曰此重症也、可怠緩不聽果死

淋症

有沙淋者腎水爲熱所結化爲沙石內塞水道沙出痛止治用

五淋散四六氣淋者小腹脹滿小便澀滯而痛用瀉白散

血淋者心熱血散治用五淋散四六加小薊滑石車前子寒

淋者膀胱冷氣與正氣交爭寒戰而後溺治用六味地黃丸

十四加附子肉桂有心熱者用清心蓮子飯五六腎熱者用

六味地黃丸十四肝熱者用柴胡梔子飲六四脾熱者用蓮

黃散三八脾虛者用小異攻散十六肺熱者用瀉白散

肺虛熱者治用小異攻散十六加炒山梔

以上心熱等七種淋症辨法在辨脾心肺肝腎之欬內求之

便溺

尿白如米泔水久則成疳用人參甘艸當歸木通猪苓赤芍赤  
茯苓皮川革薺治之

大便不通

肺與大腸有熱上則津液少而便閉治用四順清涼飲二八血  
虛燥滯不通者治用四物湯四十加栝子仁松子仁胡桃仁  
等分服之

同邑紳徐梅宣公郎痘後四十日大便閉有七日他醫以承  
氣湯單授之子舅氏時在徐宅力薦請予往視之日血虛之

極幸未通利通則不可藥矣梅宣且幸且疑硬用四物湯一服便出乃溏糞帶白色梅宣拍案叫絕曰一望即知神何至此前庸手幾敗乃事此望色審竅知非肺熱之一驗也

小便不通

小便不通由肺燥不能生水當清肺中之熱而滋腎火之源治宜用黃芩黃連天花粉知母麥冬茯苓木通甘艸等分服之若脾濕氣不土升當健脾生金先用瀉黃散三八隨用六君子湯九若膀胱有熱澀滯其流治用五苓散十八

出汗

汗者寢中通身如浴覺寒方知屬陰虛榮血之所主也治宜  
四物湯四十加黃芪浮小麥黃連煎服有自汗者不時而出  
動則乃息屬陽虛衛氣之所司也治宜補中益氣湯二七加  
麻黃根浮小麥七門冬煎服有脾虛泄瀉自汗而汗出有時  
者此症大虛治宜六君子湯五或附子理中湯五姜棗引煎  
服

### 黃疸

黃疸其候色黃屬脾蓋小兒由飲食所傷兼之濕熱之氣蘊積  
脾胃故成此症面目指爪小便遍身皆黃疸症無疑治用地

黃茵陳湯七

辨腫脹

腫脹之症有二一曰氣腫先腫而後喘由脾胃虛弱脾主肌肉肺主皮膚土弱不能生金虛氣上攻乎肺行于面目遍身浮腫也治宜調脾行氣爲主用五子五皮湯三七等分煎服輕則六劑重則十劑無有不愈

一曰水腫先喘而後腫因上焦煩渴喜飲茶水脾虛不能制水水反侮上上衝乎肺流走皮膚而光腫也治宜實脾利水爲主用胃苓湯二二又瀉後痢後瘧諸病後脾虛發腫者宜調



脾胃為主用六君子湯九或補中益氣湯二七切不可用通藥如通萬不能活如因瘧痢諸病後突然而腫脹者方從水氣二腫治之此方卽大方脉家用之亦無一不效如通身不腫只有腹腫彈之如鼓聲按之卻綿軟此脾虛也宜用六君子湯九加厚朴若腹腫彈之不響按之如石此單腹脹也不治之症

三消

三消之症實熱者少虛熱者多不足之症也若作有餘治之悞矣始而心肺消渴或脾胃消中或腎水消濁傳染日久則腸

胃合消五臟乾燥精神倦怠以致消瘦四肢

消渴心火動而消上上消乎心移熱于肺渴飲茶水飲之又渴

名曰上消治宜蓮花飲七五為主次以生津四物湯川芎八

分歸身一錢生地一錢酒洗知母一錢白芍一錢用水包煨紙麥冬

一錢去心川連八分烏梅肉五分天花粉七分薄荷石蓮肉用

黃柏蜜炒甘艸炙各五分

消肌脾火動而消中上消于脾移熱于胃喜多食食無足時小

便色黃名曰中消宜用石膏知母甘艸人參倍加石膏外加

粳米次宜生津養液

消濁火動消腎移熱于膀胱小便渾濁色如膏脂名曰下消宜  
川蓮子知母芡實麥冬入四物湯服之

凡消症務要養脾生肺降火滋陰病自除矣

總治三消以生血爲主用黃連天花粉二味爲末藕汁生地汁  
生姜汁人乳并蜜共和二末爲丸每次一指而大白湯送下

### 膀胱氣痛

嬰兒小腸與膀胱氣痛在臍下氣海兩邊筋腫到腎囊邊痛不  
可抵治用川練子橋核小茴香荔枝核俱焙炒爲末白酒熱  
調三四錢一服不數服卽愈

呆笑

兒無甚病忽然見人呵叱而笑卽不見人亦然每日如是治用  
積梗三錢半夏五錢木通一錢甘艸五錢煎服隨于頂心百  
合穴艾灸二壯卽愈

不寐多困

嬰兒不睡有二一心虛一胆虛睡中不聞人聲忽醒而不寐者  
此心血不足宜用人參安神丸四八有睡中稍聞人聲响動  
卽驚而不寐者此胆虛之極宜用參竹湯七五

多睡者脾氣虛弱健運之令不行而嗜臥也治宜溫補脾胃以

四君子湯三士加木香半真倍加白朮

龜胸

由感風熱凝注爲痰停心滯胸咳嗽喘促肺氣脹滿攻于胸膈  
漸成龜胸或乳母過食辛辣夏哺熱乳亦成此症治宜寬氣  
化痰丸六三

龜背

田客風吹背傳入于髓故背突如龜或咳嗽久以致肺虛腎無  
所生腎主骨風寒乘虛而入于筋骨致精血不能流通故骨  
弓而駝治宜松蘿丹六三外以龜尿點脊背中七縫卽愈木

論解顛顛填顛陷

小兒生下頭縫不合腎主骨而腦為髓海腎有虧故不合也各

日解顛治宜六味地黄丸十四顛門之起名曰顛填宜大連翹飲

四或瀉青湯五七顛陷如坑者由病久血氣虛弱不能上充

治宜固真湯十又以狗骨炙為末雞子清調敷之

乾瘦似疳

見父母平常節兒飲食從不傷脾飲食不飲久又非病後但見

逐日消瘦其症必由有所思想而難言或二三歲四五歲昔

母又有所生乳哺懷中多有寒愛之諱前兒從傍窺伺見其

愛有所奪不能入懷吮乳惟朝思暮想久則傷脾治之非藥  
所及此症前所未傳冷不概見余先君在日余妹歸寧見投  
甥乾瘦瘠無他症頃見妹哺次甥長甥倚膝覺神不在舍因  
問予妹瘦始于何日妹曰自得次甥後經今月餘矣先君命  
妹哺兒之時勿令瘦甥得見哺後陽抱入懷以空乳喂之且  
慰之曰我只疼你如此一月果下藥而肥追思先君妙何如  
也神何如也

### 天柱骨倒

天柱骨倒乃項軟也由真氣虛弱容邪入膈傳于筋骨項則軟

垂下而無力治宜祛風散四四或吐久瀉久病久而軟者治  
宜六君子湯九加肉桂手軟者宜用薏苡仁當歸秦艽棗仁  
防風羌活荆芥等分服之足軟者治宜六味地黃十四加牛  
膝五加皮鹿茸等分服之

子從弟鐸禹懸孫方十個月天柱骨倒弟曰弱極卽要用參  
子曰客邪入內何可遮用弟意不果予作色拒之用祛風散  
作煎劑一服項稍直卽命用六君子湯外加防風五劑愈

### 五硬

頭頸手足強直如冰乃肝受風邪治宜小續命湯五九



齒病口疳瘡

此病由胎中受熱而成口瘡或牙疔疔生走馬治宜導赤散三  
并清胃湯四二如久病之後瘦弱之極難治之症

重唇重齶

口中上腭皮腫起如囊盛水名曰重唇牙疔腫起名曰重齶俱  
以大針刺破去血用蒲黃敷之

耳癰

耳內腫及耳外腫耳外出膿或間一日膿一出或間二日膿一  
出治宜用黃鱗以刀斬斷滴血入耳數次或用天保采薇湯

重舌木舌

重舌者舌下根復生如小舌也木舌者其舌腫硬填口也皆由  
心脾熱極治用黃連灶心上木通連翹等分煎犀角磨水和  
藥服之用朴硝紫雪白鹽每五分用竹瀝調敷卽愈

于子丙午科同從弟鐸再從姪謨鄉試白下姪忽患重舌弟  
伴向外科用刀刺破流出如雞蛋清歸窩又腫如此兩回不  
愈予執舌乃心苗立方用黃連黃芩木通枳椇甘草二劑舌  
消一半喉痰忽墜予揣必是悞用黃芩之弊蓋心火刑肺七  
已不安悞將肺瀉焉不痰墜于是去黃芩加五味二錢一劑

並愈此因苗治癩照症立方見藥不可悞用之一驗也

### 鶴膝瘋

此候由腎氣不足兩腿細小膝骨腫大如鶴膝之狀治宜屈膝散六六或用六味地黃丸十四加牛膝鹿茸又有瀉痢久而成此症者紅腫作痛成膿治用補中益氣湯二七如腫硬不痛而色白者治不愈也

### 痛瘋

四肢上或身上一處腫痛或移動他處色紅不回塊參差臄起按之滾熱便是痛瘋治用羌活獨活五加皮威靈仙秦艽防

風桂枝前胡如下身加牛膝各一錢煎服數劑自愈

邑庠方玉相幼子左手左足各曲貼肉痛屈不伸用前方煎服五劑愈如大人須用酒煮每夜儘量飲每味一兩五錢煮酒約五六斤飲畢卽愈此方屢效不爽

冷水瘋

脚背上與指上及解溪鞋帶諸所塊痛不可言一痛幾死用青磚一塊火內燒紅以木桶盛之將老醋澆入磚上以大人手伴兒脚懸于磚上蒸之氣莽則將脚稍遠氣溫則就磚桶口以綿絮之類圍塞不令氣洩一蒸卽驗如神

迅雷所驚

其候抽掣形狀與前驚無異只手掌內橫直紋痕皆是深黃顏色此因驚胆其色故黃拿甦用鼓對兒輕七敲起漸上加重重擊二三聲持去鼓以解疑卽服參竹湯七五以寧胆

穿山林宅諱祥者一子四歲臘月被爆竹驚死拿甦如父母喚聲畧重又驚死與飲食時先以食示之再做聲便不驚其父亦業幼科投以棗仁遠志等味不效至予告其顛末余曰此胆家受病作心家醫悞矣余授以參竹湯二劑愈

天炮驚

此由風邪毒氣客于皮膚搏于血氣而生始生如湯盪作泡一  
破漿出成瘡治用生地升麻藍葉山梔大黃各一兩剉碎用  
猪油八兩文武火煎色變濾去渣磁器盛之塗患處

### 癩瘡

其狀如粟粒色赤而瘡夏月多生頭面或遍身用天保未菘湯  
三等分煎服

### 黃水瘡

由濕熱與血氣相搏其瘡初生碎小後有膿汁浸淫成瘡用雄  
黃雌黃川烏各一兩松香三錢爲末亂髮一團燒灰存性豬

油六兩熬化再八三味煎至髮消盡以綿濾去渣入二黃攪  
勻盛器塗瘡上

### 惡核瘰癧

此患由風熱毒邪與血氣相搏鬱結成核如貫珠于耳項之間  
瘰癧硬白色搖奪不動而有根者便是瘰癧或潰爛成惡毒如  
用藥多有不效不妙于用燈火至易而至效子亦曾患此用  
燈燵兩次卽愈今故以燈火燵法垂于身之背而圍如瘰癧在  
左則燵左邊瘰癧在右則燵右邊前自頸上耳脚下起離六分  
地一點一點直下乳次過脇上至肺愈穴到頸上耳後止在

癰上周圍亦焦第二次照原路空處補之便愈若只有核而  
搖得動者便不是癰癧初起紅腫便是癰疽不可作癰癧治

### 偏墜

腎囊子或一個腫大一個小用香茹厚朴只壳姜汁炒木通扁豆

生姜甘艸車前葉煎服或用萬年青根約五寸去黑皮搗碎  
白酒煎服不吃渣亦愈

### 莖腫痛并腎囊腫

莖卽腸物如腫用黃連木通各一錢煎服卽愈

腎囊腫如琉璃燈樣用糖內水上無根浮萍以篩盛之下用水



一盞置篩于盆上烈日晒乾爲末每服二錢卽消腫痛如用  
鍋焙萬北不乾

灸霍亂

霍亂灸崑崙穴七壯起死神效

灸瘧母

瘧母灸肺愈穴各三壯背對臍穴三壯神效

灸脫肛

脫肛灸龜尾穴症暫用補中益氣湯十服此乃肺氣下陷

灸肚大青筋

肚大青筋堅如鉄石于臍之上下左右離五分地各灸二壯卽消

灸犬傷

犬傷用青磚上青苔和牛糞搗爛如被瘋犬傷于患處灸三壯卽愈

灸蛇傷

蛇傷于患處灸三壯

以上灸法俱用獨蒜截片遮患處盛艾于上灸之

疔瘡惡瘡癰疽膏異方

水粉 黃蠟 各五錢 寒水石 一兩 研細 用水飛過 乳香 二錢 去油 蘇油 三兩 先入  
 鍋滾過入蠟化開再入粉石再入粉石熬成入乳香攪勻成膏  
 貼之即愈

貼骨疔口掛角各疔瘡發背腦癰大人小兒同治丹

疔瘡發背腦癰髮疽乳癰一切無名腫毒用飛龍奪命丹服之  
 便有頭先不痛不癢者服之便痛便癢未成者內消已成者即  
 潰其毒化為黑水從小便中出此乃惡瘡毒中之仙丹用蟬酥

乾者酒 化三錢 胆礬 一錢 海羊虫 二十個 雄黃 三錢 輕粉 五分 蜈蚣 一條

去首 足 射香片腦 各五分 其為細末酒為丸如茶豆大每服三九甲

葱白三根長三寸白嚼爛吐在男左女右掌心以前丸裹于葱  
內熱水酒三四鍾送下厚被蓋之取汗約頓飯之時再用熱酒  
催助汗出其毒卽消如汗不出其毒乃重再服三九汗出卽效  
只是發背疔瘡方可取汗此方子干

都門許宅香火院住持小西天喇媽曾遠傳來不論大小老幼  
如有前患用之無有不效

卷之五終

幼科鐵鏡卷之六

貴池卓溪夏夏鼎禹鑄氏手著

受業弟邑庠鐸禹懸

邑庠之日孟然

男

郡庠之雲飛霖仝叅

藥性小引

醫家治病如經生制菽然病有表裏重輕猶題有大小搭截病有來路去路用藥有清源塞流之法猶題有上文下文作文有承上合下之規藥味猶貴詮題面之字眼藥性猶字眼義意之

淺深體認不明便成差謬不觀之下子夏乎於素以爲絢詩只  
因一句滑讀週便不解爲字之義則醫家下學於百藥之性可  
昧昧焉而不一爲之究耶余前按症列單因病用藥固矣然茫  
不知性倘症變裁方何所措手爰約畧幼科常用百味之性列  
於篇左以便詳究以供採擇焉

藥性賦幼科摘要

寒性 犀角解乎心熱羚羊清乎肺肝澤瀉利水通淋而補陰  
不足葦苈能理脚氣面風濕堪除直前子明目止瀉能清小便  
瓜蒌子潤肺止嗽下氣寬中黃栢瀉膀胱而補腎薄荷消諸腫

以清風寬中下氣枳椏緩而枳實速療肌解表柴胡次而乾葛  
先柴胡瀉肝止兩脇之痛枳實削積除久滯之痰百部治肺熱  
於咳嗽可止梔子涼心腎而鼻衄最宜升麻力消風癢發散瘡  
痲足陰引氣升陽導藥遊經有四麥冬清心解渴專除肺熱清  
肺隱伏之火生肺不足之金金箔乃鎮心而安魂魄茵陳除濕  
熱而治胎黃石膏墜頭痛兼清脾胃天冬定肺喘又潤心肝大  
黃能通閉結朴硝降火通閏前胡除內外之實痰滑石利六腑  
之澁結熱地黃滋腎水補益真陰生地黃涼心火肺脾解熱赤  
芍藥行血而療腹痛煩熱亦解白芍藥補虛兼瀉肝火新血能

生香附子理氣有消浮退腫之功知母滋陰乃瀉腎除蒸之用  
貝母清熱痰而利心肺寒痰愈滯桔梗通肺竅而傳諸藥肺部  
引經黃芩瀉大腸之火肺寒勿用常山攻痰結之味勦瘧尤強  
葶藶子止肺喘以通水氣水蘘節消瘀血而止衄紅大黃朴硝  
乃脾虛送死之鴆毒黃連貝母乃寒痰伐命之斧斤

夏禹鑄曰大黃猶之一員猛將朴硝卻是偏裨如賊勢猖獗  
負踞要衝用之搴旗折馘一出成功若民遭困苦之餘平定  
安集尚恐不及亦輕爲廟遺不惟無地樹功而且賊梳兵篋  
輕用之害慘不可言果肺火焰天大腸毒結一用則瞬息通



關至於臟腑俱虛或氣虛腫脹損用則掃盡元氣不刃而殺  
人矣嗟七夜臺黑暗地獄之設舍殺人者其誰此種堅牢特  
能解脫一能筋斗翻來斬新日月縱有前番罪孽是即向世  
尊誠悔便作光明會上一位大菩薩

熱性 生薑發散除平胃嘔胃熱切不可用五味止嘔且滋腎  
水初嗽不可遽加川芎能祛風濕清頭補血紫蘇力能表散亦  
可助脾麻黃散寒邪以發表根止盜汗而因虛白朮消濕痰而  
溫胃利水道以強脾丁香快脾胃以止吐逆附子療虛寒大壯  
元陽當歸補虛以養血獨活祛風以治瘋厚朴溫胃且消嘔脹

除痰亦驗肉桂而療冷瀉止汗如神橘紅皮開胃去痰導壅滯  
之逆氣山茱肉治頭昏暈上下部之遺精

夏禹鑄曰附子之性有富貴的力量用之貴小心謹慎譬之  
富貴家凶年發賑在細民之既飢且寒者受之則雙眉喜溢  
如枯木逢春在廉介之士雖橫窺無壁壯氣不衰悞爲過問  
必髮直衝冠以是知脾氣兩虛元陽亡失虛極生寒體如水  
雪口中寒氣逼人一用如石投水不特莫之逆也且同流濕  
就燥如只虛而不寒卽寒不到陰極地位形勢猶能自立一  
用如石投水不特莫之受也而且水火參商是知宜用不怕

朝夕不宜卻怕分厘語云恩不在大貴期當厄怨不在大只怕傷心可爲輕用附子者作一箴規

溫性 木香理乎滯氣半夏主於風痰蒼朮燥脾去濕山藥脾  
濕能醫藟香葉止吐溫胃能消喉響之寒痰款冬花潤肺去痰  
又定久嗽之壅喘葶藶仁溫脾胃以止癘威靈仙宣瘋氣以除  
疼茴香却膀胱疝氣之痛蔡芫去肢節腫痛之瘋檳榔墜痰逐  
水治痢疾之後重如神訶子生津潤肺療滑瀉之沉疴似聖防  
風祛風杜仲益腎橋核止腰疼疝氣之急痛麻仁潤肺及六腑  
之燥堅黃耆實腠理益元氣外固表虛之汗肉豆蔻溫中止藟

亂更助脾臟之虛生薑皮作消浮腫鈞鈞藤專定驚風

夏禹鑄曰黃耆之性溫內分實腠理益元氣外固表虛之盜汗內托陰證之瘡瘍乃脾家氣分之第一種因虛藥也故仲景有曰黃耆甘艸以益元氣之內人參肉桂調和榮衛之中人動曰提氣只知道一個氣字那知道人身上氣有兩種主乎脾者氣之元也主乎肺者氣之發也脾之元氣猶每歲之爲生爲長爲收爲藏內運之氣是也肺發之氣猶山嶽之晴嵐邨落之烟霧溪壑之陰雲碧海之樓市外發之氣也不能分別兩種各有所司狼曰提氣嗟七黃芪何曾走着脾家又

何會理着肺氣把扶正氣的一味聖藥看壞了致令脾氣弱  
症卒不敢用不亦深可悼哉子推其故多因肺部有邪氣喘  
氣促那醫家不去清肺之邪而遽爲扶脾之氣適湊其會氣  
愈喘愈促便誣賴到黃芪身上不然黃芪與肺何涉而亦能  
道提氣耶若以予言爲謬試到明醫處把黃耆溫內分實勝  
理益元氣固盜汗這幾個字幾種性細問一番庶可脫離無  
間獄步入明鏡臺矣

平性 青皮利脾胃快膈削積天麻定驚癇燥濕祛風甘艸調  
變陰陽解藥百毒生用乃瀉心經之火人參寧心潤肺助胃開

脾生津扶氣肺熱反來傷脾之憂南星去驚風痰吐之苦棗仁  
有補心去怔之功大腹皮消浮下氣亦能和胃遠志肉遺精能  
止而寧心水通猪苓並爲利水之神蓮肉醒脾更有清心之妙  
白茯苓補虛勞心脾俱到白朮神寧心臟驚悸能安麥蘗有人  
脾化食之力脾虛莫用小麥有止汗養心之功浮者爲佳神麩  
消食恐傷脾氣百合止嗽兼斂肺虛連翹瀉六經之火排卻瘡  
膿大棗有健脾之力中滿勿管烏梅治便血瘡痢兼用竹瀝治  
痰壅寒滯宜防

夏禹錫曰人參是凡問一種仙丹不肯救度惡人至肯救度

善類若脾虛作嘔吐心虛驚悸筋虛作噤津亡作渴  
氣虛失血痛久成慢諸類用之如入芝蘭之室蓋善與善相  
親也肺熱氣旺風邪熱邪燥邪火邪諸類用之如入鮑魚之  
肆蓋邪正不肯並立也凡今之人因前庸手悞用傷人相沿  
視爲鳩毒不深可恨哉臟有滯邪不可遽用邪去正衰不可  
不用遽用者傷人不用者亦殺人也後之君子一能問經大  
悟作上乘禪師發囊普濟虛寒不須淨土修日卽井欄枝頭  
吉林葉底便結個花官裏天中天之大波羅蜜也

幼科錢龍湯方

一 天保采藥湯

羌活 前胡 半夏 陳皮 柴胡 赤芍 白茯苓 川芎

枳殼 厚朴 桔梗 蒼朮 升麻 葛根 合香 獨活

甘艸

三 犀角解毒湯

治胎熱丹毒

犀角 赤芍 生地黃 白芷 甘艸 連翹 荆芥 防風

牡丹皮 木通

三 導赤散

治夜啼



木通 生地 甘草 竹葉 黃芩

四 大連翹飲 治胎熱等症

連翹 赤芍 歸尾 木通 甘草 防風 荆芥

五 理中湯 治脾寒等症

乾薑 白朮 甘草 人參 若加附子名附子理中湯

六 釣藤膏 治內吊肚痛

乳香 沒藥 木香 姜蚕 其為丸釣藤湯下

七 地黃茵陳湯 治助

生地 歸尾 猪苓 天花粉 赤芍 赤茯苓 茵陳 澤

瀉 甘艸

八芍藥湯 治夜啼泄瀉

白芍 澤瀉 甘艸 大茴 薄荷 木香 茯苓 生薑

五六君子湯 治脾胃虛寒等症

陳皮 半夏 人參 白朮 甘艸 白朮 白朮 生薑 大棗引

干固真湯 治畏驚則收冷不省人事

附子 甘艸 人參 山藥 黃耆 肉桂 白朮 白朮

美棗引

于一保元湯 治汗多變慢驚

黃芪 人參 甘艸 生薑 三片 六棗 一枚 水煎服

十二 姜半夏 治吐不止將成慢驚

半夏 生姜 肉桂

十三 調脾湯 治脾疳

陳皮 白朮 丁香 人參 柯子 青皮 甘艸

十四 六味地黃丸 治腎疳

牡丹皮 熟地黃 白茯苓 山萸肉 酒蒸 去核 白澤瀉 淮山藥

右為細末煉蜜丸如桐子大空心滾水送下

十五 蘆薈丸 治丁奚疳露

藜蘆 人參 白朮 白朮 山藥 木香 陳皮 青皮

麥芽 神麴 當歸 各三錢 檳榔 兩個 麝香 少許

右為細末猪胆打麴糊為丸如麻子大清水湯送下

十六 小異攻散 治先瀉後吐 脾胃虛冷

人參 白朮 橘皮 白朮 姜棗為引煎服

一七 黃連芍藥湯 治先吐後瀉

黃連 芍藥 猪苓 澤瀉 白朮 白朮 甘艸

十八 玉苓散 治吐瀉

猪苓 白朮 白朮 澤瀉 肉桂

卷之六

十九消導二陳湯 導痰消食健脾

陳皮 半夏 白茯苓 白木 蒼朮 神麴 香附 砂仁

甘艸

二十六和湯 治暑瀉

陳皮 半夏 白茯苓 甘艸 黃連 厚朴 合香 香茹

加扁豆 木瓜

廿一胃苓湯 治長夏暑瀉

澤瀉 陳皮 白茯苓 猪苓 厚朴 白木 甘艸 蒼朮

廿二助胃膏 治胃氣虛寒嘔吐

人參 白朮 白朮 甘草 山藥 木香 丁香 合香  
砂仁

〔廿三〕柯附丸 治殞泄

柯子肉 灶心土 黑附子 爲末米糊丸如粟米大米湯下

〔廿四〕十六味兒丸 治脾胃虛弱

人參 白朮 白朮 山藥 慧米 芡實 蓮肉 甘草  
陳皮 山查 麥芽 砂仁 黃連 澤瀉 芍藥 蓮翹  
右爲末蜜丸如彈子大米湯下

〔廿五〕承氣湯 治裏急後重腹痛痢疾

朴硝 大黃 枳實 厚朴

廿六 木香檳榔丸 治食積

黑丑 檳榔 木香 神曲 大黃

右為末 生姜汁糊丸 如粟米 大米湯下

廿七 補中益氣湯

黃芪 人參 甘艸 陳皮 白朮 升麻 柴胡 當歸

廿八 四順清涼飲 治中焦熱

白芍 當歸 生地 甘艸 柴胡

廿九 人參敗毒散 治積毒嘔惡

柴胡 前胡 川芎 羌活 獨活 白朮 熟地 桔梗

甘州 人參 生薑引

三十四君子湯 治脾胃不調等症

人參 白朮 白朮 甘州 姜棗引

三二姜茶飲 治赤白痢

陳茶 生薑 黃蠟 鹽 車前葉

三三四獸飲 治虛癩

白朮 人參 白朮 草果 半夏 甘州 陳皮 烏梅

姜棗引



三三人參養胃湯 治虛寒多熱少

陳皮 半夏 茯苓 人參 蒼朮 厚朴 枳殼 白朮

姜引

三四清滯飲

柴胡 枳殼 青皮 半夏 白朮 黃芩 厚朴 紫蘇

白朮 澤瀉 陳皮 甘草 貝母 知母 全胡

三五隨用截方 加恒山草果胡椒姜引 係加在前單煎服

三六養蘇飲

人參 蘇梗 桔梗 前胡 半夏 乾葛 陳皮 枳殼

杏仁 木香 甘艸 茯苓 姜引

三七五子五皮飲 并腫脹

蘇子 山查子 蘿葡子 葶藶子 香附子 桑皮 橘皮

大腹皮 茯苓皮 生薑皮

三八瀉黃散 治濕熱腫脹

赤茯苓 黃連 黃柏 黃芩 山梔 澤瀉 茵陳

三九瀉白散 治肺熱

甘艸 桔梗 陳皮 桑皮 地骨皮

四十四物湯 調益榮衛

川芎 當歸 熟地 白芍

四二麥門冬飲 治吐血久不止

麥冬 黃芪 當歸 人參 生地 五味子

四二清胃湯 治齒後見血

山梔子 生地 牡丹皮 黃連 當歸

四三茵陳湯 治黃疸

茵陳 梔子 黃柏

四四祛風散 治天柱骨倒

防風 甘艸 羌活 細辛 黃芩 白芷 薄荷 當歸

川芎

四五滋陰降火湯 治陰虛寒結

當歸 地黃 白芍 黃連 白朮 知母 天花粉 蓮子

黑玄參 甘州 麥冬 燈心引

四六五淋散 治血淋

蘇葠 赤芍 山梔仁 條黃芩 當歸 甘州 燈心一團引

四七清脾飲 治熱癰或熱多寒少

青皮 半夏 黃芩 甘州 白朮 白朮 柴胡 陳皮

艸果 厚朴 姜棗引

四八 人參安神湯

治心血不足  
驚悸不眠

麥冬 人參 當歸 黃連 棗仁 生地 茯神

四九 安神湯

治心血不足驚悸

人參 半夏 棗仁 茯神 當歸 橘紅 赤芍 五味子

甘州 姜引

五十 寧心丸

麥冬

五錢  
去心

寒水石

一兩

白朮

甘州

牙硝

山藥

各五錢

硃砂

一兩

龍腦

一字

右為末煉蜜為丸如芡實大每服半丸砂糖水磨下如慢症

用人參白朮煎濃汁化下

〔五二〕肝疝丸

五靈脂 夜明砂 龍胆草 天麻 虻蟾頭 全蝎 一箇

蟬退 川芎 蘆薈 黃連 青黛 防風

右爲末豬胆汁浸爲丸麻子大每服十丸薄荷湯下

〔五二〕化蠶丸 治肺疝

蕪荑 青黛 蘆薈 川芎 白芷 胡連 川連

蝦蟇灰各等分爲末豬胆汁浸糊爲丸麻子大每服二十枚

臨臥杏仁湯下

〔五三〕礪子丸 治疝脹

羅日子 一兩 青皮 陳皮 檳榔 赤茯苓 黑牽牛 莪朮

五靈脂 各五錢 木香 減半

右為末糊為丸菜豆大每服十五丸桑皮柴蘇煎湯或蘿白

湯下

〔五四〕五味二陳湯 治水暑傷寒吐瀉

陳皮 半夏 白茯苓 甘艸 厚朴 香茹 黃連 山查

麥芽 神曲 木通 澤瀉

〔五五〕香茹飲 治暑熱

香茹 厚朴 扁豆 黃連

五六一清心蓮子飲 治淋血

麥冬 地骨皮 黃芩 甘艸 白朮 黃芪 柴胡 車前

石蓮肉 人參

五七瀉青湯 治頰填

羌活 川芎 梔仁 龍胆艸 當歸 防風 各分 大黃 或半

竹葉引

五八濟金飲 治傷風嗽吐

前胡 杏仁 桔梗 桑皮 半夏 甘艸 旋覆花 薄荷



陳皮 水煎

五九小續命湯 治剛柔痙瘓

麻黃 人參 黃芩 川芎 芍藥 甘草 杏仁 防風  
防已 肉桂 附子

六十芍蘇飲

川芎 蘇葉 陳皮 半夏 柴胡 桔梗 枳殼 乾薑  
白朮 甘草

六一瀉肝湯

車前 木通 生黃 歸尾 山梔 黃芩 龍胆 甘草

各五分

六一松遊丹 治龜背

松花

枳椇

防風

獨活

各一兩

麻黃

前胡

大黃

桂心

各五錢

為末蜜丸黍米大每服二十九丸粥飲下

六三寬氣化痰丸

治龜胸

大黃三分

杏仁

百合

木通

桑皮

甜葶力

天竺冬

石膏各五錢

為末煉蜜丸黍米大食後臨臥白熱水化下

六四柴胡梔子飲

柴胡

山梔

白茯苓

川芎

白芍

當歸

丹皮

牛蒡

甘艸等分水煎子母並服

六五固腸飲 治久痢不止

木香 黃連 當歸 白芍 人參 白朮 白朮 甘艸

訶子肉 水煎

六六屈膝散 治精膝

防風 意苾仁 牛膝 苦參 女便浸晒 何首烏 男便浸晒 姜蚕

天花粉 荆芥蘇 各五錢 肥皂核肉 一兩 鹿茸 五錢

共為粗末每用三錢同冷飯團四兩粘猪油六錢粘米菜豆

各一椀水四碗煎至二碗分作二次溫服

六七 猪乳膏 治胎風胎驚

半黄

硃砂名少許

取猪乳調抹兒口中

六八 清暑益氣湯

治傷暑煩熱

黃芪

升麻

人參

白朮

陳皮

神曲

澤瀉

黃精

當歸

青皮

乾葛

五味

甘艸

木煎服

六九 八珍湯

人參

白朮

茯苓

甘艸

川芎

當歸

熟地

白芍

姜棗引

七十 藿香正氣散

治傷脾胃外感寒邪

合香 紫蘇 大腹皮 陳皮 桔梗 甘艸 茯苓 半夏

神曲 厚朴 白芷 葶藶引

七一疏風順氣湯 治風寒發喘

紫蘇 乾葛 桑皮 前胡 麻黃 杏仁 甘艸 水煎服

七二清肺湯

白木 茯苓 陳皮 薄荷 南星 桑皮 細辛 甘艸

桔梗

七三備急方 治夜啼內吊

煎葱湯淋洗其腹又用艾絨烘熱包熨臍腹十數次其痛漸愈

七四蓮花飲

甘艸 知母 蓮花鬚 川蓮仁 瓜蒌仁 五味子 人參

乾葛 白茯苓 生地 竹葉

七五參竹湯

麥冬 人參 竹葉 甘艸 半夏 小麥 粳米 陳皮

生薑